

- 613900 - Ugovorene i druge posebne usluge, funkcija 091 iznos 4.724 KM
3. Odobrava se unos sredstava (donacije od pravnih lica 733112) u Budžet Kantona Sarajevo za 2017. godinu u iznosu od 1.509 KM, koja su JU Treća gimnazija doznačena od strane "JP BH POŠTA" u skladu sa Ugovorom o reklamno propagandnim uslugama.
4. Sredstva iz tačke 3. ovog Zaključka evidentirat će se u razdjelu 21, glava 03, potrošačka jedinica 0003 - JU Treća gimnazija, na ekonomskom kodu:
821300 - Nabavka opreme, funkcija 092 iznos 1.509 KM
5. Odobrava se unos sredstava (donacije od pravnih lica 733112) u Budžet Kantona Sarajevo za 2017. godinu u iznosu od 9.000 KM, koja su JU Sarajevski ratni teatar SARTR doznačena od strane Fondacije za muzičke, scenske i likovne umjetnosti u skladu sa Ugovorom o dodjeli i korištenju sredstava Fondacije.
6. Sredstva iz tačke 5. ovog Zaključka evidentirat će se u razdjelu 22, glava 02, potrošačka jedinica 0005 - JU Sarajevski ratni teatar SARTR, na ekonomskim kodovima:
613700 - Izdaci za tekuće održavanje, funkcija 082 iznos 3.200 KM
613900 - Ugovorene i druge posebne usluge, funkcija 082 iznos 4.200 KM
821300 - Nabavka opreme, funkcija 082 iznos 1.600 KM
7. Ministarstvo finansija će evidentirati i proknjižiti uplaćena sredstva i izvršiti plaćanje po nalogu Ministarstva za obrazovanje, nauku i mlade i Ministarstvo kulture i sporta te pratiti utrošak istih.
8. Ovaj Zaključak stupa na snagu danom donošenja, a objavit će se u "Službenim novinama Kantona Sarajevo".

Broj 02-05-8576-5/17
24. februara 2017. godine
Sarajevo

Premijer
Elmedin Konaković, s. r.

Ministarstvo za rad, socijalnu politiku, raseljena lica i izbjeglice

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 17. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", br. 2/12, 41/12 i 8/15) i člana 12. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravka, 37/13, 16/14 i 6/17), ministrica za rad, socijalnu politiku, raseljena lica i izbjeglice Kantona Sarajevo donosi

PRAVILNIK

O POSTUPKU PO JAVNOM POZIVU ZA DODJELU NOVČANIH SREDSTAVA NEPROFITNIM ORGANIZACIJAMA I UDRUŽENJIMA

Član 1.
(Osnovna odredba)

Ovim Pravilnikom uređuju se pitanja koja se odnose na raspisivanje javnog poziva, postupak dodjele sredstava, izvještaj o namjenskom utrošku sredstava i nadzor nad utroškom sredstava od strane neprofitnih organizacija i udruženja.

Član 2.
(Korisnici)

Korisnici prava, u smislu odredbi ovog pravilnika, su neprofitne organizacije i udruženja koje nemaju stalni oblik finansiranja iz budžeta Ministarstva za rad, socijalnu politiku, raseljena lica i izbjeglice (u daljem tekstu: Ministarstvo) kao

nosioća budžetskih sredstava, koji za novčana sredstva apliciraju putem javnog poziva u svrhu finansiranja/sufinansiranja programa i projekata iz oblasti rada, socijalne politike, raseljenih lica i izbjeglica, a isti su od interesa za građane Kantona Sarajevo (u daljem tekstu: Kanton) ili doprinose razvoju i afirmaciji Kantona i provode se na području Kantona.

Član 3.

(Odluka o raspisivanju javnog poziva)

- (1) Za dodjelu sredstava iz budžeta Ministarstva, za finansiranje/sufinansiranje programa i projekata neprofitnih organizacija i udruženja, ministrica za rad, socijalnu politiku, raseljena lica i izbjeglice (u daljem tekstu: Ministrica) donosi odluku o raspisivanju javnog poziva, u kojoj će biti naveden ukupan iznos sredstava koji će biti dodijeljen po javnom pozivu.
- (2) Dokumentacija koja se treba dostaviti prilikom prijave projekta, propisana je Uredbom o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo (u daljem tekstu: Uredba).

Član 4.

(Opšti i posebni kriteriji)

Opšti i posebni kriteriji za raspodjelu sredstava propisani su Uredbom.

Član 5.

(Uslov za prihvatanje zahtjeva)

Korisnici sredstava koji nisu dostavili narativni i finansijski izvještaj o utrošku sredstava za odobreni program ili projekte za koji su imali u prethodnom periodu odobrena budžetska sredstva Kantona Sarajevo, ne mogu biti prihvaćeni za finansiranje/sufinansiranje projekta po javnom pozivu za narednu godinu.

Član 6.

(Javni poziv)

- (3) Ministarstvo svake godine, nakon usvajanja budžeta za tekuću godinu, raspisuje javni poziv za raspodjelu sredstava za finansiranje/sufinansiranje programa i projekata za neprofitne organizacije i udruženja.
- (4) Javni poziv se objavljuje na internet stranici Kantona Sarajevo i u najmanje jednim dnevnim novinama visokog tiraža koje se distribuiraju na području cijele Bosne i Hercegovine.

Član 7.

(Zahtjev za dodjelu sredstava)

- (1) Nakon objavljivanja javnog poziva iz člana 6. ovog pravilnika korisnici prava dostavljaju Ministarstvu zahtjev za dodjelu sredstava sa dokazima iz kojih se vidi ispunjenost općih i posebnih kriterija utvrđenim Uredbom.
- (2) Zahtjevi za finansiranje podnose se na Obrascu za prijavu programa i projekata za finansiranje/sufinansiranje iz Budžeta Kantona Sarajevo (OBR.7.3-02-01/01), koji se objavljuje na web.stranici Kantona Sarajevo po objavi javnog poziva, pri čemu popunjen obrazac treba da sadrži naziv projekta, podatke koji se odnose na opis problema/potreba, kratak opis projekta, ciljeve, ciljne grupe, plan realizacije, trajanje projekta, osoblje i budžet projekta.

Član 8.

(Dokumentacija)

- (1) Dokumentacija koja se treba dostaviti uz zahtjev prilikom prijave projekta propisana je u članu 4. stav (3) Uredbe.
- (2) Neprofitne organizacije i udruženja koje nemaju uposlenih i neizmirenih obaveza, mogu dostaviti ovjerenu izjavu kod nadležnog organa, da nemaju uposlenih i neizmirenih obaveza kojom to potvrđuju.
- (3) Neprofitne organizacije i udruženja koje su registrovane u prethodnoj godini i nisu dobili sredstva za projekte, nisu dužna da dostave izvještaj o urednom finansijskom poslovanju (bilans stanja, bilans uspjeha i narativni izvještaj za prethodnu godinu) i finansijski izvještaj o utrošku sredstava za projekte odobrene u prethodnoj godini.

Član 9.

(Komisija za provođenje javnog poziva)

- (1) Ministrica za rad, socijalnu politiku, raseljena lica i izbjeglice Kantona Sarajevo (u daljem tekstu: Ministrica) rješenjem za svaku budžetsku godinu imenuje Komisiju za provođenje javnog poziva (u daljem tekstu: komisija) od pet članova, od kojih su tri iz reda Ministarstva, a dva člana su pripadnici Vijeća nacionalnih manjina Kantona Sarajevo.
- (2) Komisija iz stava (1) ovog člana će u roku određenom rješenjem, obaviti slijedeće poslove:
 - a) donijeti poslovnik o radu,
 - b) prikupiti zahtjeve za dodjelu sredstava sa potrebnim dokazima,
 - c) izvršiti provjeru ispunjenosti općih i posebnih kriterija,
 - d) izvršiti procjenu i bodovanje projekata,
 - e) sačiniti listu neprofitnih organizacija i udruženja koje ispunjavaju kriterije, sa prijedlogom pojedinačnih iznosa novčanih sredstava za dodjelu, sa obrazloženjem,
 - f) sačiniti listu onih neprofitnih organizacija i udruženja koje ne ispunjavaju kriterije, sa obrazloženjem,
 - g) liste iz tačke e) i f) dostaviti Ministrici na odobrenje,
 - h) donijeti odluku o dodjeli sredstava i visini sredstava onim neprofitnim organizacijama i udruženjima koji ispunjavaju opće i posebne kriterije, prema utvrđenoj listi.

Član 10.

(Procjena i bodovanje)

- (1) Komisija će uzimajući u obzir ispunjenost utvrđenih kriterija javnog poziva cijeniti opravdanost zahtjeva i kvalitet predloženog projekta, izvršiti procjenu i bodovanje, radi donošenja odluke o dodjeli sredstava neprofitnim organizacijama i udruženjima i sačiniti liste iz člana 9. stav (2) tač. e) i f) ovog pravilnika.
- (2) Na listu neprofitnih organizacija i udruženja koji ispunjavaju kriterije i listu neprofitnih organizacija i udruženja koji ne ispunjavaju kriterije, Ministrica daje odobrenje.
- (3) Način bodovanja projekata propisuje komisija poslovníkom o radu.

Član 11.

(Rok i način podnošenja zahtjeva za dodjelu sredstava)

- (1) Rok za podnošenje zahtjeva za dodjelu sredstava po javnom pozivu je osam dana, računajući od dana posljednje objave.
- (2) Zahtjevi za dodjelu sredstava se podnose u zatvorenoj koverti na protokol Kantona Sarajevo ili poštom na adresu Ministarstva, sa naznakom "Prijava na Javni poziv od _____ godine - ne otvaraj".

Član 12.

(Neblagovremeni i nepotpuni zahtjevi)

- (1) Neblagovremene zahtjeve komisija neće uzeti u razmatranje i vratit će ih neotvorene uz dopis.
- (2) Nepotpune zahtjeve komisija će odbaciti i o tome obavijestiti podnosioca.

Član 13.

(Sadržaj odluke o dodjeli sredstava)

U odluci o dodjeli sredstava, komisija će utvrditi pojedinačne iznose odobrene neprofitnim organizacijama i udruženjima, te njihovu obavezu da sredstva moraju iskoristiti za realizaciju odobrenog projekta.

Član 14.

(Prigovor)

Neprofitne organizacije i udruženja, imaju pravo podnošenja prigovora Ministrici na odluku komisije o odbacivanju i odbijanju zahtjeva u roku od tri dana od dana prijema odluke ili obavještenja komisije.

Član 15.

(Zaključivanje ugovora)

Sa neprofitnim organizacijama i udruženjima kojima budu odobrena sredstva po javnom pozivu, Ministrica će zaključiti ugovore, u kojima će se regulisati međusobna prava i obaveze.

Član 16.

(Doznačavanje sredstava)

Doznačavanje odobrenih sredstava neprofitnim organizacijama i udruženjima vrši se nakon zaključenja ugovora, u skladu sa operativnim planovima i raspoloživim sredstvima u Budžetu Kantona Sarajevo.

Član 17.

(Izveštaj o namjenskom utrošku sredstava)

Korisnici sredstava iz ovog pravilnika dužni su na propisanom Obrascu narativnog i finansijskog izvještaja Ministarstvu dostaviti izvještaj o namjenskom utrošku sredstava doznačenih iz Budžeta Kantona Sarajevo u roku od petnaest dana od dana realizacije projekta ili aktivnosti sa odgovarajućom dokumentacijom, a najkasnije do 31.12. tekuće budžetske godine.

Član 18.

(Omjer utrošenih sredstava i obaveza poštivanja istog)

- (1) Korisnici prava iz ovog pravilnika dužni su sredstva odobrena za troškove projekta iskoristiti u omjeru utvrđenom od strane Ministarstva finansija Kantona Sarajevo, u Obrascu narativnog i finansijskog izvještaja i to:
 - a) maksimalno do 30% odobrenih sredstava za administrativne troškove
 - b) minimalno 70% odobrenih sredstava za projektne aktivnosti.
- (2) Ministarstvo zadržava pravo da korisnicima sredstava za koje se utvrdi da nisu ispoštovali omjer utroška sredstava propisan stavom (1) ovog člana, obustavi dalje finansiranje/ sufinansiranje odobrenih projekata i traži da korisnik sredstava izvrši povrat utrošenih sredstava, kao i da ne prihvati finansiranje/ sufinansiranje programa i projekta istog za narednu godinu.

Član 19.

(Nadzor nad utroškom sredstava)

Nadzor nad realizacijom odobrenog projekta i utroškom sredstava provodi Ministarstvo i Ministarstvo finansija Kantona Sarajevo putem budžetske inspekcije Kantona Sarajevo, po zahtjevu Ministarstva ili u okviru redovnih inspeksijskih nadzora nad utroškom budžetskih sredstava.

Član 20.

(Ravnopravnost spolova)

Gramatička terminologija korištenja ženskog ili muškog roda u ovom pravilniku podrazumijeva uključivanje oba roda.

Član 21.

(Stavljanje van snage)

Stupanjem na snagu ovog pravilnika prestaje da važi Pravilnik o postupku dodjele novčanih sredstava neprofitnim organizacijama i udruženjima broj 13/01-02-31826/16 od 03.11.2016. godine.

Član 22.

(Stupanje na snagu)

Ovaj pravilnik stupa na snagu danom donošenja, a objavit će se u "Službenim novinama Kantona Sarajevo".

Broj 13-03-5860/17
20. februara 2017. godine
Sarajevo

Ministrica
Amela Dautbegović, s. r.